



Nr. 1037 prot.

Tiranë, 11/07/2024

Nr. 145 prot.

Tiranë, 11/07/2024

MARRËVESHJE BASHKËPUNIMI

Lidhur ndërmjet

KOMISIONERIT PËR MBROJTJEN NGA DISKRIMINIMI

DHE

KOMUNITETIT MALAZEZ NË SHQIPËRI

Lidhur sot më 11/07/2024 në Tiranë ndërmjet:

Institucionit të Komisionerit për Mbrojtjen nga Diskriminimi, përfaqësuar nga Z. Robert Gajda, me adresë: Rruga e Durrësit, Nr. 27, Tiranë, në vijim cilësuar si Komisioneri për Mbrojtjen nga Diskriminimi,

dhe

Organizatës “Komuniteti Malazez në Shqipëri”, përfaqësuar nga Dejan Cullafiq, me adresë: Lagjja L. Aqif Pasha, Rruga Vasil Taja Nr.45

Institucioni i Komisionerit për Mbrojtjen nga Diskriminimi dhe Organizata “Komuniteti Malazez në Shqipëri”, kanë një eksperiencë dhe përvojë të gjatë në garantimin e zbatimit dhe realizimit të misioneve të përbashkëta në mbrojtjen e të drejtave të rinjve me fokus mbrojtjen nga diskriminimi dhe dëshirojnë që të çojnë përpara bashkëpunimin e ndërsjelltë ndërmjet tyre në këtë fushë, nëpërmjet nënshkrimit të kësaj Marrëveshje Bashkëpunimi, për sa më poshtë:

Neni 1 OBJEKTI

Kjo marrëveshje ka për objekt institucionalizimin e bashkëpunimit dhe përcaktimin e rregullave dhe mënyrave brenda të cilave Institucioni i Komisionerit për Mbrojtjen nga Diskriminimi dhe Komuniteti malazez në Shqipëri do të zhvillojnë marrëdhëniet e tyre të bashkëpunimit të ndërsjelltë, në kuadër të punës së përbashkët për promovimin dhe mbrojtjen nga diskriminimi, në përputhje me standardet e njohura ndërkombëtare dhe legjislacionin e brendshëm.

Neni 2 QËLLIMI

Kjo marrëveshje ka për qëllim, realizimin e veprimtarisë së përbashkët dhe të koordinuar për respektimin, forcimin dhe avancimin e mbrojtjes së të drejtave themelore të të rinjve në fushën e punësimit dhe jo vetëm; rritjen e bashkëpunimeve për iniciativa të përbashkëta; rritjen e bashkëpunimit në drejtim të forcimit të zbatimit të legjislacionit në fuqi, të transparencës dhe të llogaridhënies; si dhe ndërhyrjen pozitive të institucioneve shtetërore sa herë që është e nevojshme.

Neni 3 FUSHA E ZBATIMIT

Marrëveshja do të zbatohet midis Palëve të lartëpërmendura, në fushën që përmban kjo Marrëveshje për të përmbushur qëllimin e saj.

Nëpërmjet kësaj Marrëveshje, Palët angazhohen të:

- 3.1 Të bashkëpunojnë me Institucionet Evropiane për zhvillimin e projekteve në kuadër të hulumtimit dhe mbrojtjes së të drejtave të Pakicave kombëtare dhe kryesisht të Pakicës malazeze që jeton në Republikën e Shqipërisë;
- 3.2 Të përfshihen nëpërmjet angazhimit institucional të përbashkët për ndryshime ligjore që lidhen me fushat me interes të të drejtave të njeriut dhe të Pakicave kombëtare;
- 3.3 Të njoftojnë njeri-tjetrin mbi raste konkrete që kërkojnë trajtim institucional, duke zhvilluar me administratat lokale, për monitorimin e mbrojtjes së të drejtave të pakicës malazeze atje ku ato jetojnë;
- 3.4 Të organizojnë së bashku aktivitete promociionale me qëllim përhapjen e ideve bashkëkohore për monitorimin e mbrojtjes së të drejtës për të ruajtur identitetin, gjuhën amëtare, kulturën dhe historinë e komunitetit malazez që jeton në Shqipëri;
- 3.5 Të bashkëpunojnë edhe në forma të tjera të bashkëpunimit për të cilat mund të bihet dakort në të ardhmen, ndaj lista e mësipërme nuk është e natyrës shteruese.

Neni 4

KOMUNIKIMI NDËRMJET PALËVE

- 4.1. Palët angazhohen të mbliidhen në mënyrë periodike, sa herë të gjykohet e nevojshme, por jo më rrallë se një herë në 6 muaj.
- 4.2. Palët do të caktojnë një person kontakti, që do të jetë përgjegjës për zbatimin konkret edhe në rrugë operacionale të Marrëveshjes së Bashkëpunimit, si dhe për shkëmbimin e informacionit lidhur me të.
- 4.3. Komunikimi ndërmjet palëve do të jetë në formë shkresore. Për rastet kur palët kërkojnë një informacion të rëndësishëm dhe urgjent për t'u përcjellë, komunikimi mund të bëhet dhe në mënyrë elektronike dhe verbale, por në çdo rast përmes personave të kontaktit.

NENI 5

KOHËZGJATJA

- 5.1 Kjo Marrëveshje do të hyjë në fuqi në datën e nënshkrimit nga Palët dhe do të mbetet në fuqi për një periudhë kohore pa afat të përcaktuar,
- 5.2 Marrëveshja mund të ndryshohet me pëlqimin e ndërsjelltë të Palëve, në mënyrë shkresore, duke saktësuar datën e hyrjes në fuqi të ndryshimeve.
- 5.3 Çdo mosmarrëveshje krijuar mbi interpretimin ose ekzekutimin e kësaj Marrëveshjeje do të zgjidhet me mirëkuptim midis Palëve
- 5.4 Përveç parashikimit të paragrafit 1 të këtij neni, kjo Marrëveshje mund të përfundojë në çdo kohë nga secila palë, duke njoftuar paraprakisht 60 ditë para me shkrim palën tjetër.
- 5.5 Marrëveshja hartohet në gjuhën shqipe, nënshkruhet dhe protokollohet nga çdo palë dhe secila palë mban një kopje origjinale.
- 5.6 Kjo Marrëveshje është e hapur dhe mund t'i bashkohet çdo organizatë jofitimprurëse, objekti i veprimtarisë të së cilës përputhet me këtë Marrëveshje dhe bie dakord me këto parime.

PËR

KOMISIONERIN PËR MBROJTJEN NGA
DISKRIMINIMI


ROBERT GAJDA
KOMISIONER

PËR

KOMUNITETIN MALAZEZ NË SHQIPERI

DEJAN ÇULLAFIQ


DREJTOR EKZEKUTIV